

**Айсин Асылхан,
Сарыбұлақ орта мектебінің 9 сынып оқушысы
Астана және Елбасы**



Жарқырап, жайнай берші, сен Астана,
Өзіңе арналады ән дастаны,
Қашан да саған іңкәр менің жаным
Жастықтың жалауы бол, сен Астана!
«Астана» әнінен үзінді

Біздің еліміздің тарихы үш мың жылдан асады. Қазіргі қазақ халқының негізін бұл жерде бұдан әлденеше мың жыл бұрын тұрған ежелгі тайпалар құраған. Ежелгі дүние жүзін зерттеуші ғалымдар ол тайпаларды жауынгер халық ретінде сипаттайды. Ал түрлі қазбалардан табылған заттар олардың өркендеген мәдениеті мен өнері болғандығын дәлелдейді. Қазақ халқы өзінің ұзақ тарихында көрші елдердің басқыншылығына қарсы ұдайы күрес жүргізді. Қазақ батырлары қатерлі жауға қарсы бүкіл елді көтерді. Үш жүздің бас қосқан жасақтары басқыншыларға бірнеше рет күйрете соққы берді. Қазақ жерін жоңғарлардан түпкілікті тазарту жолындағы күресті Абылай хан басқарды.

Қазақтың абызы атанған Бұхар жырау, Абылай ханның дүниеден өтер шағында: «Хан ием, бұл дүниеде не арманыңыз бар?»-деп сұрапты. Сонда Абылай хан: «Бұхарым, менің ұлы үш арманым орындалмай қалып барады. Біріншісі-мына кең- байтақ жерімді халқыма ебіндіріп бере алмай бара жатырмын. Екіншісі- үлкен-үлкен шаһарлар, зәулім ғимараттар салдырмадым. Оған қоса үш жүздің басын қоса алмай бара жатырмын-бұл менің үшінші арманым», - деген екен. Қазіргі таңда Абылай атамыздың үш арманы да орындалған секілді. Жер-Ананы толық ебіндірдік, оның асты мен үстіндегі бар байлығын толық игердік.

Қазақ елі өзінің тәуелсіздігін қайтып алды. Біз өткен күресте жеңістің арқасында бүгін міне, тәуелсіз ел болып, еркіндікте жүрміз. Елімізді бастап ұрпаққа жол көрсетер Президентіміз бар. Президент – еліміздің, өміріміздің айнасы. Ел бірлігін, Отан тыныштығын жан-жақты қарастырып отырады. Біздің Президентіміз өте ақылды,

[Введите текст]

көреген, келешекті болжағыш адам деп ойлаймын. Тәуелсіздік алған күннен бастап ұлтына қарай бөлмей, достықпен, береке-бірлікпен Қазақстанда тұратын барлық халыққа бірдей саясат жүргізді. Барлығын бірлікте ұстап, дұрыс жолға қойып, қамқор бола білді. Асықпады да, аптықпады да. Елімізді әлем таныды. Міне, сол іскерлікпен тым қысқа жылдар ішінде әлемге әйгілі дүние жүзі таныған өркениетті ел қатарына қосып келеді. Ел үміті ертеңде, ертеңнің кепілі – Нұрсұлтан ағамызда. Өйткені Елбасы тәуелсіздіктің тірегі. Жаңа дәуірден, қиын қыстау тың жолдан Қазақстанды сүріндірмей, адастырмай алдып жүрер – Елбасы деп ойлаймын. Еліміздің жүрегі-Астанаға бірі оқу үшін, екіншілері жұмыс жасау мақсатында Қазақстанның түкпір-түкпірінен күн сайын ағылып келуде. Міне, Елорда үш жүздің басын бір жерге жинады деген.

Енді ғимараттар дейсіз бе? Бүгінде Есіл жағасындағы еңселі шаһар көз алдымызда ерекше келбетке ие болып, әйбәт нұрға бөленуде. Қаланың қай жағын қарасаңыз да, әсем ғимараттар бізді қоршап тұр емес пе ?!

Ел мен жер тағдырын елді, халықты елендетпейтін кезі жоқ. Ұрпаққа қалдырар, табыстар мұрамыз да, байлық базарымыз да – сол еліміздің тарихымен тағдыры секілді. Ата – бабаларымыз білектің күшімен, найзаның ұшымен ұлан – байтақ жерімізді осы бізге, болашақ ұрпаққа, сақтап қалды ғой. Астана бірінші рет Орынборға, одан кейінгі жылдары Қызылордаға көшірілді. Одан кейін жасыл желекті , түсті кілем Алматыға тұрақтады. Еліміз тәуелсіздік алғаннан кейін ғана елорданың қай жерде болуын таңдау мүмкіндігіне Елбасымыз ие болды. Астанамыздың Қазақстанның орталығында болуы қай жағынан алып қарасаң да көркейте түсуде.

Еліміз егемендік алғаннан соң, Алатау бөктеріндегі Алматыдан астананы кешегі Арқаның жазығындағы Ақмолаға көшіріп, атын асқақтатып «Астана» деп қойған ел басымыз Нұрсұлтан Әбішұлы Назарбаев еді. Сол Астана арудай ажарланып, күн сайын көркіне көрік қосылып, ай емес күн сайын өсіп, бүгін де жаңарып жақсарып келеді. Қалай десек те Астана қазақтың бас қаласы болып, өскелең ұрпақтың жарқыраған жұлдыздай келешегіне өз үлесін қосары сөзсіз. Оның қазіргі сәулет өнерінің үлгілеріне сай бой түзеген биік те сұлу ғимараттары бір кездегі қарапайым облыс орталығын адам танымастай өзгерткені анық.

Тамаша сұлулығы қай адам баласын болсын тамсандыратыны күмәнсіз. Өйткені, кең жазира далада көсіліп жатқан кемел сұлулығымен, күміс көлдерімен Есіл, Нұра секілді қыз бұрымындай тарқатылған өзендерімен өзіне тартады. Оған айғақ ретінде өзімнің Солтүстік Қазақстан облысынан

[Введите текст]

саяхатқа барған оқушылардың ішінде менің Астана қаласынан алған әсерім мол. Елорданың зәулім ғимараттарына, сәнді сарайларына, биік үйлеріне көп карадым. Әсіресе «Бәйтерек» монументіне көтерілгенім естен кетер емес. Көтерілген сайын Астана алақандағыдай көрінеді. Қандай керемет десеңізші !? Он жылда Елордамыз осылай өзгереді деп ертеректе айтса, сенімсіз болар ма еді ?! Сондықтан болар Астана мен үшін әрқашан салтанаттың қаласы, тасы өрге домалап тұрған жандардың мекені болып елестейді. Қазіргі таңда астанамыз әлемдік, іскерлік байланыстың күре тамырына айналып отыр. Оның өзі Елбасының ізгі саясаты, көрегендігі мен кемеңгер ойының жемісі, арманы, мақсаты, халқының тарихынан нәр алғандығы шығар. Астанамыздың шаңырағы биікке көтеріліп, уығы нық қадалып, керегесі келісті жайылды деуге болады.

Астана қазірдің өзінде азиялық байтақтардың арасындағы ең бір еуропалық қала. Бұл өлке халықтарды бауырына басып, татуластырып қана қоймай, оларды жаңа қауымдастық, жаңа өркениет құру жолында топтастыра білген өлке. Нұрсұлтан Назарбаев Қазақстанның Еуразиялық ел екенін, оның астанасының орасан зор қос құрлықтың, өкпе тұсында орналасқанын, демек келешекте қаланың осынау ұлан – ғайыр кеңістіктің қуатты желілері тоғысқан торабына, 21-ғасырдағы экономикалық, технологиялық, ақпараттар тасқынының арнасына айналатынын атап көрсеткен болатын.

Астана – бүгін өскелең қала. Сол себепті Астанадағы үкімет сарайлары, құрметті орындар, министрліктер мен қоғамдық ғимараттар аса көрнекті сәулеттік бейнеге ие болып келді. Осындай ғажап, өзге қалалардан ерекшеленіп тұрған Астанамыздың кескін-келбеті Европа материгінде орналасқан Париж қаласының дәл өзінде жүргендей сезіндіретін шығар. Парижге барғандар ең алдымен Эйфиль мұнарасын іздесе Астанаға келгендер биіктігі 97 метрге жететін «Астана-Бәйтерек» монументін іздейтін сияқты. Алланың адал жолында жүргеніміз әлемге аян болсын дегендей Нұр – Астана мешітін салып, бұл мешіт мұсылман баласының мақтанышына айналды. Халқымыз қазақтың бас ақыны Абай айтқандай: «Атадан мал қалғанша тал қалсын» дей отыра «Жасыл ел» бағдарламасы аясында жас қаланың жан-жағына қарағай, шырша ағаштарын егіп жайнаған жасыл алқапқа айналуға. Елбасымыз Нұрсұлтан Әбішұлы Назарбаев Астананы «айдан алыс, ғарыштан анық» көрінетіндей етіп нұрлы қалаға айналдырмақ ой мен түнді - күннен бетер жарық қылып сан мыңдаған шырақтармен безендіруде. Астана- болашақтың қаласы, жердің жеті кереметінен асып түсер қиял мен арманнан туған қала.

[Введите текст]

Мен : «Көк күмбезді сұлу шаһарымыз, жас қала,

Бас қала – Астана !

Биіктей бер, өрлей бер !

Қанатың ешқашан талмасын !

Сенемін, жетер белестерің,

Алар асуларың әлі алда !» - деп ізгі тілегімді білдіргім келеді.